

B E D Æ A N G L O -

S A X O N I S D E N A T V R A

R E R V M L I B E R.

A R G V M E N T V M

*Naturas rerum uarias, labentis & æui,
Perstrinxi titulis tempora lata citis.*

D E Q V A D R I F A R I O O P E R E D E I.

C A P V T P R I M V M.



P E R A T I O diuina, quæ secula creauit & gubernat, quadriformi ratione distinguitur. Primo, quod hæc in uerbi dei dispensatione non facta, sed æterna sunt : qui nos, Apostolo teste, ante tempora secularia prædestinavit in regnum. Secundo, quod in materia informi pariter elementa mundi facta sint, ubi qui uiuit in æternum, creauit omnia simul. Tertio, quod eadem materies, secundum causas simul creatas, non iam simul, sed distinctione sex primorum dierum in cœlestem, terrestremque creaturam formatur. Quarto, quod ex eiusdem creaturæ feminibus, & primordialibus causis totius seculi tempus naturali curfu preagitur, ubi pater usque nunc operatur & filius, ubi etiam coruos pascit, & lilia uestit deus.

D E M V N D I F O R M A T I O N E. C A P. I I

I N ipso quidem principio conditionis facta sunt cœlum, terra, angeli, aër & aqua de nihilo. Die autem primo lux facta est, & ipsa de nihilo. Secundo, firmamentum in medio aquarum. tertio, species maris & terræ, cum eis quæ terræ radicitus inhærent. Quarto, luminaria cœli de lumine primo die facto. Quinto natatilia & uolatilia de aquis. Sexto reliqua animalia de terra, & homo : carne quidem de terra, anima uero de nihilo creatus : qui in Paradiso, quam dominus a principio plantauerat, constituitur. Septimo dominus requieuit, non a creaturæ gubernatione, cum in ipso uiuamus, moueamur, & simus, sed a nouæ substantiæ creatione.

*Requies dei
septimo die.*

Q V I D S I T M V N D V S. C A P. I I I

M V N D V S est uniuersitas omnis, quæ constat ex cœlo & terra, quatuor elementis in speciem orbis absoluti globata : Igne, quo fydera lucent: aëre, quo cuncta uiuentia spirant : quis, quæ terra cingendo, & penetrando communiunt : atque ipsa terra, quæ mundi media atque ima, librata uolubili circa eam uniuersitate pendet immobilis. Verum Mundi nomine etiam cœlum a perfecta absolutaque elegantia uocat : Nam & apud Græcos ab ornatu κόσμος appellatur.

*Mvndvs ab
elegantia.*

D E E L E M E N T I S. C A P. I I I I

E L E M E N T A fibimet sicut natura, sic etiam situ differunt. Terra enim ut grauissima, & quæ ab alia natura sufferri non possit, imum in creaturis obtinet locum. Aqua uero quanto leuior terra, tanto est aëre grauior : Qui si forte aquis in uase aliquo subdatur, statim ad superiora ut leuior euadit. Ignis quoque [a materialiter]